



**R. P. Christiani Mayer E Societate Iesv, Diarivm  
Meditationvm, De Præcipvis Vitæ Christi mysteriis**

**Mayer, Christian**

**Coloniæ Agrippinæ, 1635**

6. De SS. Angelorum desiderijs exspectantium per Saluatorem venturum  
ruinarum cœlestis Ierusalem instaurationem.
- 

[urn:nbn:de:hbz:466:1-60091](#)

expectatio Israel , ô desiderate cunctis gentibus , ô desiderium collum æternorum , ô radix Iesse , quæ stas in signū populorum , quando venies ? quando stillabunt montes dulcedinem , & colles fluent lac & mel ? Quando finis erit illius modici , de quo dixisti : *Adhuc Aggai 2..*  
*vnum modicum , & ego commouebo cœlum & terram , & mare , & aridam , & mouebo omnes gentes , & veniet desideratus cunctis gentibus ? Quando veniet , qui mittendus est , de quo autè tot sæcula prædictum :*  
*Non auferetur scepterum de Iuda , & dux de fœnore eius , donec veniat , qui mittendus est ? En ablatum est scepterum , veni qui venturus es , &c. Quo tu meritò gratitudinis , amoris , congratulationis affectu te accingere deberes ad illum iam dudum pro te incarnatum . & passum suscipiendum , per nouam gratiam in te quasi renasci paratum , quem illi à longè aspicientes tanto deuotionis , amoris , congratulationis excessu desiderabant promissum !*

*De Sanctorum Angelorum desiderijs exspectantium per Saluatorem venturum ruinarum cœlestis Ierusalem instaurationem.*

**E**xpende sanctorum Angelorum adhuc:

*Gen. 49..*

V 1.

adhuc viatorum ardentissima desideria  
aduentus Filij Dei in mundum per In-  
carnationis mysterium, initio conditio-  
nis suæ, cùm diuinâ reuelatione didi-  
cissent Verbum Patris æternum huma-  
nam naturam hypostaticè assumptu-  
rum, caput & regem futurum regni æ-  
terni ex hominibus & Angelis consti-  
tuendi, & quidem eò feruentius, quò  
impudentius cernebant socios suoas-  
postaticos spiritus auctore Lucifero di-  
uino illi decreto reluctari: eò affectuo-  
sius, quò perfectius Deum, hominesq;  
quos Deus in tanto pretio haberet, di-  
ligebat; & quò acrius illi Deo rebella-  
bat, hominibusq; tantam dignitatē in-  
uidebant; eò insuper constantius hæc  
sua sancta desideria, quæ Deo sciebant  
gratissima, continuabant, quò pertina-  
cius illi in pessimis suis desiderijs, quæ  
Deo maximè videbāt displicere, perse-  
uerabant, vsq; dum boni gloriæ æternâ  
remunerarentur, mali æternis supplicijs  
addicerentur. Aemulare feruore bono-  
rum Angelorū in magnificando, reda-  
mando, glorificando Deo tuo ob tam in-  
effabile beneficium incarnationis Verbi.

**II.** Considera quomodo deinceps conti-  
nuarint sancti Angeli sua sancta prædi-  
cta desideria, & quoties ardenterimo

affe-

affectu iterarint, cum clarissimè cognoscerent dignitatē tot animarū ob dilatationē tantæ promissæ gratiæ indies æternū pereuntiū; tātam multitudinem & enormitatem tot peccatorū, quibus infinita Dei maiestas in tempore offendetur; & tot blasphemiarū & maledictionum, quibus in æternitate à dānatis lacerteret: & consequenter sic nunquā ruinas cælestis Ierusalem instaurandas, nec regnum Dei, sed diaboli potius indies dilatandum, nisi per Saluatoris adventum efficax adhiberetur remedium. Quoties angeli pacis amarè st̄ct̄tes, cum tot sæculis miserabilem animarū stragem peruidenter, acerbam humani generis Deo tam dilecti sortem deplorant, diuinæ misericordiæ auriculas vellicarint, Sanctorum Patrum suspiria & vota antè thronum Dei præsentarint. O si cum Sanctis Angelis clarè agnosceres tanti mysterij præminentiam & animarum dignitatem, quam gratum te pro tanta gratia exhiberes? quo zelo impensè tuæ proximorumque perfectioni, ac saluti promouendę vacares? Gratitudo, zelus propriæ alienæque perfectionis.

III. Considera quomodo sancti Angeli, quando venit plenitudo temporis, quo

Deus

Deus filium erat missurus in mundum, iuxta tot Prophetarum vaticinia, multiplicarint, intenderintque pristina sua desideria, præsertim cum clare prospicerent. miserabiles tot sæculis iam continuatas animarum ruinas. 2. tot fusas iustorū lachrymas, vota, desideria. 3. tantam Dei ad misericordiam humano generi exhibendam, propensionem. 4. impletas prophetias de tempore aduenturi Saluatoris. 5. insuper iam accinctum filium Dei ad inchoandum opus redemptionis humanæ. Quomodo sua cum SS. PP. suspirijs vota coniunxerint; Deoque obtulerint, quanto gaudio obstantum pieratis sacramentum iamiam complendum exultarint, quas gratias tantæ Dei benignitati retulerint? Gratitudo, zelus gloriæ Dei & salutis animarum..

VII. *De Beata Virginis diuinissimis desiderijs accelerationis promissi Salvatoris.*

I. **C**onsidera quo pacto B: Virgo ab initio usus rationis in ea peculiari priuilegio accelerati, quam primum diuina reuelatione, & peculiari illustratione